

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Promptvarii exequialis pars ...**

Continens centurias II. dispositionum, quibus themata funebria sive  
scripturae dicta varia ...

**Bidembach, Felix**

**Francofurti, 1625**

Thema XV.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

THEMA XIV. EX NOVO TEST. 453

assumptus secum in cœlum, Ioh. 6. v. 37. Non ciciam foras, Joan. 14. versic. 1. Assumam vos, Joan. 12. vers. 31. Omnes traham ad me. Et Joh. 17. vers. 24. eleganter, Volo, ut ubi ego sum, & c. Joh. 12. v. 26. Vbi ego, ibi & minister meus.

CONSOLATIO hæc maxima est, quod, licet propter peccatum omnibus exulandum à cœlo, tamen per Christum ianua patet iterum omnibus credentibus.

DOCTRINA necessaria etiam hæc obseruatu: quod nulla alia via, præterquam Christus. Non potentia Alexandri, non sapientia Aristotelis, non sanctitas Ioannis Baptistæ, non passionis Pauli, in cœlum promouent: sed vnus & solus Christus. Multo minus Francisci & Benedicti regulæ viam monstrabunt. Vide Joan. 50. v. 1.

ADMONITIO tamen hæc notanda: quod scala illa in cœlum, (CHRISTVS) fide apprehendatur. Hinc temper vrget fidem. Qui credit, Joan. 3. vers. 15 & 16. & 18. Joan. 5. v. 24 & c. At fides illa non fert impia & scelerata opera. Arbor bona fructus boni, Marth. 7. vers. 17. & 12. v. 33. Nemo itaque se decipiat: ne dum putat se ascensurum in cœlum, descendat in infernum. Probare vos an sitis in fide 2. Cor. 13. v. 5. Ostende fidem ex operibus. Jac. 2. vers. 18. & 17.

F I N I S.

THEMA XV.

Ioh. 3. v. 16.

*Sic Deus dilexit mundum, ut filium suum vnigenitum daret ut omnis, qui credit in eum, non pereat, sed habeat vitam æternam.*

DISPOSITIO.

Sicut stella vna aliam superat claritate, 1. Corinth. 15. vers. 42. ita vnus locus scripturæ alium. Hic autem locus prælectus tanquam Sol est inter cætera dicta scripturæ.

ff 3

Estq;

Estque hic vere Epitome & nucleus totius Euangelii puri & syncerissimi. In hoc enim tam breuiter, tam perspicue, tamque acruose omnes causas salutis nostræ, (sicut illæ inter se coherent) accuratissime Christus expressit, vt hic vnus locus sufficiens esse possit, ad decidendum plurimas controuersias, quæ semper hoc negotio sunt motæ.

Tres itaque causas principales, Hauptvsachen / [ vel clarius pro simplicioribus. initium, medium & finem ] salutis nostræ, quæ omnia hoc insigni dicto comprehenduntur, breuiter explicabimus.

## I. Pars.

Principalissima & cæteras omnes antegrediens causa salutis nostræ est, infinita illa & ineffabilis Dei dilectio. Origo itaque salutis ex Deo est, & nequaquam ex nobis. Dilexit initio quia condidit. Sap. 1. v. 24. & 26.

Et hoc primum est indicium amoris Dei.

2. Dilexit etiam postquam peccissemus in peccatis. **MUNDVM** enim dilexisse dicitur. Quid autem est mundus, nisi cæterua peccatorum & perditissimorum hominum. Dilexit ergo inimicos suos capitales. Mundus enim in maligno positus est, Joh. 5. v. 19.

3. Præterea quod *mundum* dilexit, testatur hoc Christus, Deum neminem excludisse, quem non dilexerit ab æterno. Omnis in  *toto mundo* dilexit. Huc pertinent illa Ezech. 3. v. 9. 1 Tim. 2. v. 4.

4. Declarauit dilectionem euidentissime: quod dedit filium vni genitum. **Q**uæ **I**h<sup>u</sup>se **s**elbst **i**ns **H**erz **g**egriffen. 1. Joan. 4. v. 9. In hoc apparuit charitas. Nisi enim hoc fecisset, posset Satan obtendere, quid est, quod Deus te diligere dicitur: interim tibi est peccandum, &c. At filium dedit, ne periret nullus, sed omnes haberent vitam æternam.

Hoc est testimonium dilectionis apertissimum.

## II. Pars.

Simul vero includitur hic altera causa siue medium salutis nostræ quod est meritum Christi. Is enim filium patri

patri obediens ( de quo Phil. 2. v. 8. ) passus est, se dari in mortem acerbissimam: vt nos acceptos faceret, Eph. 1. v. 6. Per illius obedientiam necesse fuit illud omne tolli & corrigi, quod per alterius inobedientiam fuit peccatum, Rom. 5. v. 18. & 1. Cor. 15. v. 21. Estque hoc Christi meritum vniuersale. Quia sicut pater dilexit mundum: ita Christus se dari voluit pro mundo, vt nullus pereat: vt omnium misereatur, Gal. 3. v. 22. Rom. 1. v. 32. Pro totius mundi peccatis, 1. Joh. 2. v. 2.

Adco vt pro pereuntibus etiam datus fuerit, 2. Pet. 2. vers. 1. negant dominum, qui emit eos, Pro inimicis suis mortuus Rom. 5. vers. 10. Perit frater pro quo Christus mortuus. 1. Cor. 8. v. 11. Rom. 14. v. 15. Idem extat Rom. 5. v. 8. pro peccatoribus.

## III. Pars.

Quare autem Christus datus: Quare dilexit? Vt nemo pereat sed omnes salui fiant. Quomodo poterimus autem salui fieri: Si participes fiamus dilectionis & meriti Christi: si illa nobis applicentur. Quomodo autem possunt applicari? FIDE, vt omnis QUI CREDIT non pereat. Hic est finis salutis. Hæc est tertia causa. Instrumentalis scilicet apprehendens. Fides enim manus est mendica, apprehendens elemosynam illam, gratiam Christi, & dilectionem Dei. Fide hac viuet iustus. Hab. 2. in fine: sine hac fide impossibile est placere Deo, Hebr. 11. v. 6. Non autem historiarum tantum notitia requiritur (sic enim Diaboli etiam credunt, Jac. 2. vers. 19.) sed certa atque firma fiducia: qualis est Pauli, Gal. 2. v. 20. Dilexit me, tradidit se pro me.

## V S V S.

Huius doctrinæ multiplex vltus. Et stamus hic intrepidi contra aduersarios vtriusque partis, & profitemur hanc fidem, siue ipse Diabolus siue homines nobis irascantur, & ringantur etiam.

I. Discimus insignem esse blasphemiam, & luculentam

tam ipsi Deo fieri iniuriam, si dicatur, Deum non omnes dilexisse, Christum non pro omnibus datum aut mortuum. & hæc rantum ad electos pertinere, quæ Christus hic asseruit tam perspicue, *MUNDVM* discrete nominans. Nec illa possunt sana mente eludi à quoquam. Plura vide in disposito. Themat. sequentium.

I. Dicimus, solam incredulitatem esse causam damnationis. De hoc vide disposito. Themat. sequentis XVI vbi hoc ex professo tractatur.

III. Dicimus, vitam æternam non nisi credentibus dari: idq; propter solam Dei dilectionem, & solum Christi meritum. Nullo nostro merito aut opere posse impetrari. Donum, Rom. 6. v. 23. Eph. 2. v. 8. & 9. Gratia, Ibid. Et alia gratia non esset gratia, Rom. 11. v. 6. Vt sic soli Deo, soli Christo, constet suus honor.

IV. Dicimus hanc esse principalissimam consolationem aduersus omnes tentationes, vnd der rechte Haupttrost/ quod Deus omnes dilexit: & signum dilectionis ostendit dando filium. Si enim dedit filium, quomodo cum ipso non daret omnia? Rom. 8. v. 32. Quodq; Christus datus est pro omnibus. Nec quisquam tantus peccator est pro quo Christus non sit datus. Ego maximus peccatorum. 1. Tim. 1. v. 16. In hoc saluabitur omnis qui crediderit. Non est aliud nomen, Act. 4. v. 12. In hunc iubentur credere, carcerarius. Act. 16. v. 31. & omnes alii. Petrus credit. Latro credit, & saluatur.

F I N I S.

## THEMA VI.

Ioan. 3. v. 18.

*Qui credit in ipsum, non iudicatur, Qui autem non credit, iam iudicatus est.*

### DISPOSITIO.

Non omnes homines saluari, constat tam ex Euangelio, quam ex lege. Alios enim saluari, alios iudicari, ex mul-